



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-076-4/22**
Datum: **09.03.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „AUTODELTA“ d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda sa lokacije objekata autoservisa, tehničkog pregleda vozila i autopraonice sa pratećim sadržajima, izgrađenih u ulici Bolnička do broja 11i, općina Centar Sarajevo, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi

R J E Š E N J E **o vodnoj dozvoli**

1. Pravnom licu „AUTODELTA“ d.o.o. Sarajevo daje se vodna dozvola za ispuštanje tehnoloških otpadnih voda sa lokacije objekata autoservisa, tehničkog pregleda vozila i autopraonice sa pratećim sadržajima, izgrađenih na zemljištu označenom kao k.č. broj 50/144, 50/142, 56/2, 56/3 i 56/4 K.O. Sarajevo IV, općina Centar Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se tehnološke otpadne vode sa radnih i manipulativnih površina objekta za servis motornih vozila i autopraonice nesmetano prikupljaju sistemom slivnika i kanalizacione mreže, te odvođe do objekta za tretman otpadnih voda i okna za monitoring prije priključka na kanalizacioni kolektor.
 - 3.3. Da se objekti za prikupljanje, prečišćavanje i odvodnju tehnoloških otpadnih voda održavaju u ispravnom stanju, redovno vrši njihovo čišćenje i pražnjenje i o tome vodi evidencija.
 - 3.4. Da je korisnik poslovnog objekta u obavezi da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja („Službene novine Federacije BiH“, broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.6. Sadržaj (mulj) iz sistema za prikupljanje i prečišćavanje otpadnih voda kao i opasni otpad (motorna ulja, maziva, sredstva za čišćenje i sl.) ne smije se ni privremeno odlagati na česticu «vodno dobro», odnosno u vodotoke i na njegove obale.
 - 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.8. Da se istrošena ulja, nauljene krpe i sav opasan otpad koji će nastati na prostoru servisne radionice motornih vozila redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta «AUTODELTA» d.o.o. Sarajevo, je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
9. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „AUTODELTA“ d.o.o. Sarajevo obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda sa lokacije objekata autoservisa, tehničkog pregleda vozila i autopraonice sa pratećim sadržajima, izgrađenih na zemljištu označenom kao k.č. broj 50/144, 50/142, 56/2, 56/3 i 56/4 K.O. Sarajevo IV, općina Centar Sarajevo.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra Općinskog suda u Sarajevu, broj: 0653-0-RegZ-22-001059 od 02.02.2022. godine;
- Ovjerena kopija uvjerenja o poreznoj registraciji, izdatog od strane Federalnog ministarstva finansija, Porezna uprava - Kantonalni ured Sarajevo, dana 08.09.2003. godine;
- Kopija obavještenja o razvrstavanju pravnog lica prema klasifikaciji djelatnosti datog od strane Službe za statistiku za područje Kantona Sarajevo, broj: 07-32.5-41408/12 dana 16.02.2012. godine;
- Kopija Rješenja o urbanističkoj saglasnosti datoj od strane Službe za prostorno uređenje i komunalne poslove Općine Centar Sarajevo, broj: 07-23-2093/17 dana 28.04.2017. godine;
- Kopija Rješenja o odobrenju za izvođenje radova na izgradnji poslovnog objekta, izdato od strane Službe za urbanizam i zaštitu okoliša Općine Centar, broj: 07/A-23-4051/18 dana 07.09.2020. godine;
- Kopija ugovora o ozvođenju radova na čišćenju separatora i krajnjem zbrinjavanju servisnog i auto otpada, opasnog otpada iz procesa rada, sklopljen sa „AIDA-COMMERCE“ d.o.o. Sarajevo dana 26.12.2019. godine;
- Glavni projekat vanjskih instalacija vodovoda, kanalizacije i pripadajućih objekata poslovnog kompleksa, urađen od strane ES HYDROTECHNICS d.o.o. Sarajevo, april 2021. godine;
- Projekat izvedenog stanja vanjskih hidrotehničkih instalacija poslovnog objekta „AUTODELTA“, urađen od strane ES HYDROTECHNICS d.o.o. Sarajevo, januar 2022. godine;
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-076-2/22 dana 07.03.2022. godine i konstatovano slijedeće:

Predmetni kompleks objekata – servisna radionica motornih vozila, tehnički pregled vozila i autopraonica sa pratećim sadržajima, izgrađen je u ulici Bolnička do broja 11, na zemljištu označenom kao k.č. broj 50/144, 50/142, 56/2, 56/3 i 56/4 K.O. Sarajevo IV, općina Centar Sarajevo.

Vodosnabdijevanje predmetnih objekata se vrši putem priključka na javni vodovodni sistem.

Na predmetnoj lokaciji nastaju tehnološke otpadne vode sa radnih i manipulativnih površina servisne radionice motornih vozila i autopraonice, koje se prikupljaju slivnika i linijskih slivnih rešetki u taložnik, a zatim odvođe do uređaja za tretman – tipski separator ulja i naftnih derivata sa koalescentnim filterom, te preko okna za monitoring odvođe do priključka izvedenog na kolektor oborinske kanalizacije, kojim upravlja KJKP „ViK“ d.o.o. Sarajevo, a koje nije izdalo saglasnost za priključak podnosiocu zahtjeva.

Na osnovu dostavljene dokumentacije uz zahtjev i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i odredbama člana 3. tačka cc) i člana 13. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje Rješenja o vodnoj dozvoli za ispuštanje tehnoloških otpadnih voda i oborinskih onečišćenih voda, te je riješeno kao u dispozitivu ovog Rješenja.

Podnosilac zahtjeva je uplatio upravnu pristojbu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

PRILOG: Glavni projekat vanjskih instalacija vodovoda, kanalizacije i pripadajućih objekata poslovnog kompleksa, urađen od strane ES HYDROTECHNICS d.o.o. Sarajevo, april 2021. godine i Projekat izvedenog stanja vanjskih hidrotehničkih instalacija poslovnog objekta „AUTODELTA“, urađen od strane ES HYDROTECHNICS d.o.o. Sarajevo, januar 2022. godine;

Dostaviti:

- „AUTODELTA“ d.o.o. Sarajevo, ul. Bolnička do broja 11, 71000 Sarajevo
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava